

Postojanje Bosne i Hercegovine se ne može dovoditi u pitanje



Na jučer održanoj konferenciji za medije, premijer RS Milorad Dodik je izjavio da će njegova stranka tražiti pravo na samoopredjeljenje, uključujući i opciju za odcjepljenje Republike Srpske, u predstojećim razgovorima o bosanskohercegovačkom ustavnom uređenju. “Može da bude i disolucije”, dodao je on.

Visoki predstavnik i specijalni predstavnik EU Miroslav Lajčák upozorio je danas sve političare u BiH da ulože maksimalne napore na izgradnji povjerenja između građana, a ne da generiraju sumnju i neizvjesnost. “Nepostojanje razumijevanja može pothranjivati strahove među stanovništvom koje još uvijek nosi veoma bolna sjećanja iz nedavnog rata”, rekao je on.

“Republika Srpska nema pravo na odcjepljenje od BiH, a isto tako niko ne može jednostrano ukinuti Republiku Srpsku”, danas je izjavio visoki predstavnik i specijalni predstavnik EU Miroslav Lajčák. “BiH je međunarodno priznata država, i njen teritorijalni integritet je zagarantiran Daytonskim mirovnim sporazumom, te njeno postojanje se ne može dovoditi u pitanje”.

Međunarodna zajednica vjeruje da je potrebno provesti sporazuman proces ustavne reforme kao načina da se zemlja učini efikasnijom i uspješnijom za sve njene građane, i da bi

mogla lakše realizirati zahtjeve za pristup u EU.